

استبصار

نومرو ۸۰

پنجشنبه

۳۰ تشرین اول ۱۳۲۴

یچوق امور و معاملاتده ایصال دست تجاوز ایدرلر ایدی .
 اورویاده اهالینک بارکران تکالیف التمه ازلمسی و بودجه لرده مستمرأ
 اچیلر ظهور ایتسی مسئولیتی ، صلح مسلحه وبری ویا بحری اولسون ادوات
 حربیه نك لا ینقطع تجدیدنی استلزام ایدن اختراعاته اسناد اولنیور . حالوکه
 ایش اوپله دکلدر . بویه اولسه یالاکر مرکز بودجه لری قباردجه قباریر ایدی .
 بلاكس محلی ، ایلات وواحی بودجه لری نسبتله دها زیاده قبارمشدر .

قـسطنطنـیـه

عثمانی استقراضلری [*]

برنجی قسم . — قریم محاربه سندن دیون عمومیۀ عثمانیه اداره سنك تشكله قدر
 گذران اولان مدته عقد اولتان استقراضلر .

۱

دولت عثمانیه نك ایلک استقراض خارجیسی قریم محاربه سی اوانلنده عقد
 اولمشدر . او وقته قدر دولت ، داخلی اختلاللری تسکین وازاله و حکومت
 اجنبیه نك مهاجمانه مقاومت ایتک ایچون منحصراً عثمانیلرک حسیات و ظنرورینه ،
 شجاعت و متانته و حکومت قارشلی ابراز ایتدکلری معاونت و مطاوعته استناد
 ایدرک از متادی او عظیم محاربه لرک ایجاب ایتدیردیکی آغیر وازیجی مصارفی ،
 مغشوش مسکوکات ضربی ، حسابسز و قارشولقسنز قوائم نقدیه اخراجی کی
 بر حکومت ایچون پك ده مقبول اولمایان بعض وسائلطایله تأمین ایتک چالشمشدر .
 اساساً مسائل نقدیه ده ملل اجنبیه نك معاونت و مظامرتنه دست احتیاجی
 اوزاتقی ترکلرک وقار و حیثیته ، عنعنات تاریخیه ایله مثبت اولان مکارم اخلاقه
 کایاً منافی بر کیفیت اولدیغندن حکومت عثمانیه هیچ بر زمان خارجدن استقراض
 [*] مأخذلریز . — باقی عثمانینک مستقرضات مجموعه سی . دیون عمومیۀ اداره سنك
 رهبر معاملات مجموعه لری سرور پاشا قومیسوونك ضبطنامه لری محرم قرارنامه سی
 دو وهله ایله شارل مورائوچک اصول مالیۀ عثمانیه حقنده کی آناری .
 نرنست لایویس ایله آلفرد رامبونك تاریخ عمومی .

عقد اتمک فکرینی قبول اتمه مش ایدی. آنجیق بالآخره امور اداره داخلیده اویله عظیم خطاره او درجه مخرب سوء استعمالر وقوعه کتورلدی که احوال مذکوره حسیات نخبیه عثمانیه بی معائنات اسانندن صارصدی یاره لدی.

اجنبی سرمایه لرینه مراجعت آرزوسی ابتدا جتتمکان سلطان عبدالحمید خان اول دور سلطنتده حس اولمشدر. روم ایلیده، خطه عراقیده، فلسطین قطعه سنده سرزده ظهور اولان و یکدیگری تعقیب ایدن وقوعات مؤسسه، غوائل داخلیه اجا آتیه مضایقه مالیه صوک درجه یه کلدیکندن رجال دولندن بعضیلری فاسدن، اسپانیادن یاخود فلمنکدن الای، یوز بیک کیسه اچمالک بر استقراض خارجی عقد اتمکی تصور و کمال حجاب ایله تکلیف اتمشرسده دیوان عالیجه قبول ایدلماشدر.

حکومت عثمانیه اجنبی سرمایه لرینه مراجعتدن بر سوق طیبی ایله توفی ایتدیکی کجی دیگر جهندنده اوروپا مالیونی سرمایه لرینی ترکیاده ایشلمک ایچون هیچ بر آرزو، بر خواهش حس اتمیورلر ایدی. بو حس لاقیدی بری سیاسی و دیگری اقتصادی اولق اوزره باشلیجه ایکی سببدن انبعاث ایدیور ایدی. اوروپانک او وقتکی مسلك سیاسیی عثمانی ایمراطورلغنک قوت و سطوتی قومشورلک مهاجمتیه تدریجاً تنقیص اتمکله برابر تشبثات و احتراصات اغدایه قارشوده تمامیت ملکیه عثمانیه بی محافظه اتمکدن عبارت ایدی. احوال و شرائط مبسوطه تأثیرانیله اجنبی سرمایه لرینک ممالک عثمانیه ده امین بر جولانگه، بر ساحه فعالیت بوماسی البته عذیم الامکان ایدی. بوندن ماعدا معین بر بودجتنک فقدانی حسبیه نه واردات نه ده مصارف دولت حقتده سالم بر فکر ایدنک ممکن اولمدیگی تشکیلات و اصول اداره مالیه دخی بر ردای ظلمتله مستور بولندیفتندن وقونسولوس راپورلری ایسه رعایانک شکایاتندن بشقه بر شی حایوی اولمدیفتندن اوروپا سرمایه دارانی ترکیا ایله معاملات مالیه یه کیریشمکدن احتراز و اجتناب اتمکده حقی ایدیلر.

فقط ۱۸۵۴ روس استیلامی، ترکیانک مناسمه و اضمحلانلی انتاج

وطولایسیله اوروپا موازنه دولیه سی اخلال ایدمک بک بر ماهیتده بولندیغندن
تهلکه نك درجه شدت و اهمیت دول معظمه نك نظر دقتدن قلماش و سته لردنبری
عثمانیلر حقیقه خصوصتکارانه و یا هیچ اولمازسه بیکنه بر وضعیت آلان افکار
عمومیه بردنبره تبدیل استقامت ایدرک آثار توجه و مخاضنت ابرازینه باشلامشدر.
فی الحقیقه ترکی نك انکلتزه و فرانسه ایله تجاوزی و تدافعی اتفاق عقد ایتمی
بالکمز ممالک عثمانیه نك تمامیت ملیکیه سی محافظه و تکفل دکل بلکه هنوز نشو و نما
بولغه باشلایان اعتبار ملیس نك ده حمایت و صحابتنی موجب اولمشدر. ملتله آره نیده
منعقد اتفاقلر او ملتلرک یکدیگرینه افراضاده بولنسیله بر قتل دها رصانت
وصمیمیت کسب ایتمدیکی اوتهدنبری کوریه کلش اولدینی کبی انکلیز و فرانسه
سرمایه لرینک او دورده پک مبذول اولسی حسیله بیوک بیوک کارلر تأمین
واستحصالی ایچون فعالیتلرینه یکی یکی زمینلر آراشدیرمقده و دیگر جهتدن
هنوز نیم بر ستره اسرار ایله پوشیده، بر حال بکارنده غنوده اولان ممالک عثمانیه نك
ثروت طبیعی سی اوروپا نك حرص و طمعنی جاب ایتمکده بولندیغندن استقراض
تحویلاتی اخراج ایدمک اولان بانکلرک مساعیسی بو صورتله خیلیدن خیلی به
تسهیل ایدلمشدر.

دولت عثمانیه نك بدایت تأسیسندن بری بولندیغنی حال انفراددن قورتلارلار ق
اوروپا هیئت دولیه سی میاننده بر موقع مخصوص اشغال ایتمسه، شاهراه ترقیده
خطودزن اولمسه چالیشلمش و شو فعالیت سرمایه دارانی تشویق و ترغیب اتمش
ایسه ده دیگر جهتدن اصول اداره مالیه مزک انتظام سمرانی، موقع تداولده بولنان
قوائم نقدیه نك کثرتی و منابع وارداتک مصارف عادییه بیله لایقیه ایفا و تسویه به
عدم کفایه سی کرک استقراض مفاوله نامه لرینک تطبیقنده و کرک فائض ورأس الممالک
تأدیاتنده کوزه دلمسی لازم کان امنیت و اطردادی کافل اوله میه جغندن بحقر
قورقیلیور ایدی.

مع هذا بتون بو شبهه لری ۱۸۵۶ خط هایونی بر درجه به قدر ازاله به
چالیشیور؛ خط هایون جسم دولتک بالجمله اقسام واجزا سنده و بتخصیص شعبه

مالیه ده بیوک مقیاسده اصلاحات اجرایی اعلان و تبشیر ایدیور؛ و بو وعده لر دن هر کس بک بیوک نتیجه لر استخراج و اداره امور دولته و بال نتیجه احوال اجتماعیه ده تبدلات عظیمه حصوله انتظار ایدیور ایدی . و انفا خط مذکورده تعداد اولنان اصلاحات موقع تطبیقه وضع اولنسه ایدی شبهه یوق که آتیده قید و ایانسه مع التأسف مجبور اوله جغمز سیات اداره وقوعه گلز و اوروپانک اقتدار مائیز حقنده بر چوق سنه لر بسلیه جکی بارلاق امیدار زیر و زیر اولماز ایدی .

قریم محاربه سی اوائلنده عقد اولندیغنی یوقاروده سوبلدیکمز برنجی عثمانلی استقرارندن اول رشید پاشانک هنکام صدارتنده بر معامله مالیه ده ثبوت اولندی (۱۸۵۰) . استانبول بانکه سنک مقدما خزینه دولته افراض ایتدیکی متعدد آوانسلی تسویه ایتک اوزره دولت ۵۵,۰۰۰,۰۰۰ فرانقدن عبارت بر استقراض عقدینه مجبور اوله رق اولباده کی مقاوله نامه پارسده ده توما و شرکاسی و به شه بانکه لر یله لوندرده ده و و شرکاسی نام بانکدن مرکب بر هیئت طرفندن امضا اولنش و استقراضک الی بش بیک تحویله مقابل یکریمی یدی سنه طرفنده کاملاً محاسی مقرر بولنش ایدی .

فقط استقراضک تصدیق عالییه اقتراعی جمله شرائطدن اولدیغنی حالده بونی استحصال ایتکمزین تحویلات پارسده موقع تداوله وضع ایدلدکن بشقه استانبول بانکه سنک وعده سی حلول ایدن پولیچه لرینی قارشولامق ایچون یکریمی ملیون فرانقلق بر مبلغ بیله لوندرده کی بالطه جی بانکه سنه افا اولندی . حالبوکه طرف پادشاهیدن تصدیق و امضا برورلمق اوزره مقاوله نامه در سعاده ارسال اولندیغنی صرده رشید پاشا مقام صدارتدن انفکاک ایتش و او صرده موقع اقتدارده بولنان هیئت وکلا مقاوله نامه یی قبول و تصدیقندن امتناع ایلش ایدی .

احکامی قطعی ظن ایدلکده اولان بویه بر استقراض قونطور اتوسنک تصدیق عالییه اقتراعی ایدمه سی سبیلله پارس و لوندره محافل مالیه سنده

حصوله کلن هیجان اوقدر شدتی اولدی که بونک تأثیراتی ممکن مرتبه تحفیف وازاله اتمک ایچون مقروضلرک تسویه ایتدکاری مبلغدن بشقه ۲,۲۰۰,۰۰۰ فرائق قدر بر تضمیناتک دهاعلاوة تأدیہ سی ایجاب ایتدی . ایشته ۱۸۵۰ استقراض مقاوله سی بویه بر فداکارلقه فسخ اولنه بیلمشدر .

ناظم راغب

دوام اولنه جقدر

علوم حقوقیه مذاکره لرندن :

موقوفیت

Détention Privative

قوانین جزاییه مزده محلی اولمدینی حالده قوللانیلمش اولان تعیرلرک اک مهمی موقوفیت وتوقیفدر . اصل قانونک مرتبیری، مترجیری، بو تعیرلری بعضاً اخذوگرفت موقعنده، بعضاً معنای صحیحیه توقیف مقامنده و بعضاًده شوبله جه آلیقونلمق، مسافرایدلمک یولنده ترجمه ایدیورمشلردر . قوانین عدلیه نك مبدأ تطبیقاتنده کوریلان تشوشله بالآخره برای تفسیر محکمه تمیزک اوغرا دینی تشتت آرانک یکانه مولدلری اصل بو تعیرلرک موضعسز قوللانیلمسندن ایلرو گلشدر . مأمورین عدلیه کی هیئت تمیزیه دخی کاه عباریه کاه معنایه اعتبار ایدرک قرارلری اکثریه کوره کلشی کوزل ویرمشدر .

بر محکمه حضورنده وبالخاصه محکمه حقوق حضورنده رئیس محکمه نك اوامرینه عدم اطاعتله کورلتی ایدن یاخود تقییح و تحقیر یا تحسین وستایش کی حالاته جرأت ایدن کسه درحل رئیسک امریه توقیف وشو قدر کون حبس جزاسنه اوغرا دیلور . قانونک بو ذکر ایتدیکی حکم ، واکا معطوف اولان حکم توقیف معنای توقیفده اولمدینی کی جرائم مشهوده وقوعاتنده، محل جرمدن تباعد ایلین اشخاص حقنده مدعی عمومیلرک دردست ایده بیللمک حق ینه معنای توقیفی متضمن دکلدور .

توقیف دائماً بر مذکویه تابعدر . و بو مذکوره یی یالکیز مستعطفلر اعطا ایده بیلور .